

diligit ut justum, vel postea odit ut peccatorem, et ita porro; ergo perpetuæ, non solum extrinsecæ, sed sibi intrinsecæ mutationi obnoxius est.

Resp. ad 1. D. Absque mutatione ac transitu de una cognitione aut volitione in aliam sive diversam sive contrariam, C. cum ejusmodi transitu N. ac neg. cons. Quia omnis mutatio dicit essentialiter mutationem a termino a quo ad terminum ad quem transitur, ac proinde transitus de uno ad aliud mutatione definitur.

Ad 2. N. Quia Deus unico actu æterno, simplici, invariabilis ac realiter indivisibili fertur in omnia objecta voluntatis ac intellectus sui secundum omnes modos ipsorum, seu diversam rationem qua se habere possunt. Aternitas enim licet in se indivisibilis sit ac simplicissima, virtualiter tamen complectitur omnia tempora, et omnia objecta, quæ in tempore sunt juxta ipsum varietas ac diversos status, quibus obnoxia sunt. Deus autem est sua aternitas. Hinc uno eodemque actu cognoscit Incarnationem ut futuram pro eo tempore, quo futura est, præsentem pro eo tempore, quo est præsens, præteritam denique pro eo tempore, quo præterita est; sic uno eodemque actu odit Petrum pro eo tempore, quo injustus est, et quia injustus est, et amore prosecutus pro eo tempore, quo sanctus est, et quia est sanctus; hinc sequitur totam mutationem extrinsecam et objectivam esse, nulla vero ratione intrinsecam et essentialiem.

Non est cur diutius easdem difficultates diversatione prosequamur; satis erit ad omnia, quæ objici possint, posita atque statuta principia applicare, ut earum solutio habeatur (1).

### CAPUT III.

#### DE INFINITE, IMMENSITATE ATQUE AETERNITATE DEI.

Tria haec attributa pariter sub uno capite complexi sumus non solum ob communem fontem, ex quo necessario dimanant, nempe ex eo quod Deus sit ens a se, verum etiam ob eorum inter se connectionem.

Præter alios multos circa has perfectiones errant sociniani, qui 1. inficiantur Dei essentiam infinitam esse in omni genere perfectionis (2); 2. assertunt Deum immensum dici posse ratione virtutis et operationis, non autem ratione essentiae sua (3); 3. Deum eo tantum sensu aeternum statuant, quod principio et fine caret, non autem omni successione ac

(1) Ejusmodi difficultates longe protrahit et evolvit Tourny, *Tractatu de Deo*, quæst. viii, art. unico, concl. Cfr. etiam Petav. lib. iv, cap. 4; nec non Suarez. *Metaph. Disp.* xxx, sect. viii et ix, ubi fuse mentem S. Thomæ exponit.

(2) Sic in *Fragmento Catechismi Cracoviensis*, qui extat in tom. I Biblioth. Frat. Polon. Irenopolis 1656, cap. 2, p. 685, ubi Faustus Socinus negat, ex eo quod infinita sit Dei potentia, inferri posse infinitam esse ejusdem essentiam, qui deinde statuit nihil se prorsus habere quod de hac re statuat.

(3) Ibid.

temporum differentiis (1): adversus quos errores has statuimus propositiones.

**PROPOSITIO I.** — *Deus est infinitus absolute et in omni genere perfectionis.*

Infinitas definiri potest summa et absoluta perfectio: *summa*, quatenus omnem perfectionem continet; *absoluta*, quatenus nec modum agnoscit nee mensuram (2). Deum igitur hoc sensu infinitum esse in ratione entis, ut præfert, et quidem infinitate intensiva, sic breviter ostendimus.

Deus ex dictis est ens a se; ergo est infinitus. Etenim si Deus est ens a se, ac proinde necessarium, a nulla causa potuit limitari aut circumscribi: non a se, quia sibi non dedit esse; non ab alio, quia a nulla causa esse accepit (3). Debet ergo Deus esse plenitudo entis, adeoque infinitus, et quidem in omni perfectione genere (4). Accedit, quod si Deus esset finitus, jam non esset id quo nihil melius excogitari possit, quod prorsus abhorret ab ipsa notione Dei. Hinc de

(1) Ita Socinus in *Prælect. Theolog.* tom. I. Biblioth. Frat. Polon. cap. 8, p. 545, ubi, ut respondeat ad tertiam rationem calvinistarum affirmat: « Nihil esse in hominis potestate, sed omnia ex Dei decreto pendere, vel certe necessario ex Dei prænitione seu præscientia, » negat Deo præscientiam liberorum futurorum, negat præterea Deo omnia presentia in aternitate, in qua nulla sit successio. et addit: « Tempus enim aeternum est, quidquid theologi nostri contra disputant, semperque et fuit et futurum est, ut et præteritum aliquid et præsens, et futurum sit. Nec vero in mundi creatione, ut ipsi arbitrantur, tempus primum exitit, sed tantummodo temporis mensura quedam... quamobrem ipsis quoque Dei respectu aliquid præteritum, aliquid vero præsens, aliquid etiam futurum est ». Merito proinde Leibnitius de socinianis in *Epistola ad Langravium de Hesse-Rhinels*, 1691, pronunciat: « Ils ont une idée très-basse de Dieu : il semble qu'ils l'attachent à un certain lieu, où qu'ils refusent la présence comme contraire à la liberté humaine. » Cfr. *Pensées de Leibniz*, Paris 1819, p. 247 et seq. vel edit. Bruxell. 1838, tom. 2, p. 564.

(2) Cfr. Suarez, *De Deo*, lib. II, cap. I, ubi rejectis diversis theologorum placitis circa notionem infinitatis, num. 5, concludit Deum dici infinitum in ratione entis et quidem intensiva, ita ut infinitas, quæ de Deo predicator, sit negatio limitationis in ipsis essentiæ. Hinc Deus dicitur infinitus simpliciter, proprie et quasi a priori, quia tantæ perfectionis est, ut non possit in ea habere superiorem, nec æqualem, qui sit distinctæ naturæ; unde, prosecutus ipse, in hac negatione limitationis, continetur illa infinitas, quæ intelligitur in continentia omnis perfectionis possibilis, vel cogitabilis, continentia, inquam, formalis vel eminentialis, cum summa perfectione possibili in quacumque perfectione, ei modo habendi illam; tum in hac negatione etiam includitur, continere sub se sine ullo termino omnia, quæ quocumque modo perfecta cogitari possunt, etiamsi in infinitum in eis procedatur in gradu majoris et majoris perfectionis sine termino. Et hæc ad mentem S. Thomæ p. 1, q. 7, a. 1.

(3) Cons. S. Th. loc. cit.

(4) Cfr. Less. lib. I. Ex his quæ dicta sunt de infinite Dei facile colligi potest eam Deo convenire ex notione entis necessarii; tum non esse infinitum, quod non est necessarium; demum infinito seu Deo nihil propterea addi vel detrahi posse, Deumque non posse vel deficere vel proficere eo ipso quod incrementi vel decrementi incapax sit, quia quod ipse est, necessario est.

eo in Psalmo CXLIV, v. 5, dicitur: *Magnus Dominus et laudabilis nimis, et magnitudinis ejus non est finis.*

#### DIFFICULTATES.

**Obj. 1.** In Scripturis interdum minus proprio aliquid infinitum dicitur, ex gr. Num. XXXII, 1, de filiis Ruben et Gad dicitur: *Erat illis in jumentis infinita sustentia*, et alibi. Nihil igitur vetat hanc vocem eodem sensu accipi, eum Deum infinitum esse dicunt, 2. ad exponendam scilicet summam divinæ virtutis efficiaciam atque præstantiam. **S. n. 5.** si Deus esset absolute infinitus vel excluderet ceterorum entium existentiam, quæ cum ente absolute infinito consistere nequeunt, vel 4. complectentur etiam istorum entium perfectiones in se. Sic 5. creature omnes essent æqualeiter perfectæ, quia omnes æqualeiter a Deo dicstant, quæ quidem omnia, hisque similia, absurdia sunt; ergo.

Resp. Ad. 1. *Conc. antec. neg. cons.* Ex subjecta enim materia, ut dicitur, quando vox aliqua propriæ vel improprie usurpetur, dignoscit potissimum debet. Improprie autem adhiberi vocem *infinitum* in exemplo adducto aliquis similibus patet, quia ea, de quibus dicitur, *infinitatem* propriæ dictam non patientur, immo excludunt; dum vero Deo applicatur, eam propriæ sumendum esse ratio ipsa evidenter ostendit. Addo, falso supponi nos ex Scripturis Deum infinitum ostendere, eo quod *infinitus* dicatur, nam nuspam in Scripturis Deus *infinitus* dicitur, sed hanc proprietatem Scriptura Deo tribuit per negationem, negando scilicet terminum ullum inventi in ejus perfectione, ut patet ex adducto loco Ps. CXLIV.

Ad 2. D. Ethoc ipso evincitur Deum absolute infinitum esse, C. detrahitur huic perfectioni N. Dei enim virtus et efficacia est ipsa divina substantia. Ad datur absurdum esse tribuere infinitam efficaciam ei, qui non sit absolute infinitus.

Ad 3. D. Excluderetur ceterorum entium existentia, si Deus diceretur infinitus *extensive*, seu per modum quantitatis, C. si intensive, prout expositum est N. (1).

Ad 4. D. Sive formaliter sive eminentiter, C. formaliter N.

Ad 5. D. Si creaturarum perfectio desumenda esset a distantia perfectionis divinæ, G. si pluribus aut paucioribus perfectionis gradibus, quos a Deo creature acceperunt N.

**PROPOSITIO II.** — *Deus est immensus rebusque omnibus et locis intime præsens essentia sua.*

Deum immensum esse de fide est; expresse enim definitum id fuit in conc. Later. IV. cap. Firmiter, ubi concilium profiteatur se credere Deum immensum esse; addi debet symbolum Athanasianum, in quo dicitur: *Immensus Pater, etc.*

Ut facilius propositio intelligatur observandum est 1. immensitatem confundendam non esse cum *infinitate*; ista enim dicit negationem termini in perfectione.

(1) Cfr. Suarez loc. cit.

PERRONE. I.

ne essentiali, ut superius declaravimus; illa dicit negationem termini in substantiali præsentialitate, ut scholæ loquuntur. Seu infinitas afficit universe excellentiam perfectionis essentialis Dei, immensitas afficit præcise modum existentie divinæ essentiae, quatenus ex se et eodem modo permanens possit esse intime præsens omnibus rebus et locis non solum præsentibus, sed etiam possibilibus in infinitum.

2. Non esse confundendam immensitatem cum *ubiquitate*, ut aiunt; nam immensitas est attributum absolutum, Deoque necessarium; at esse ubique non convenit illi absolute, sed solum, ut dicitur, hypothetice, seu ex suppositione creaturarum existentium, quarum productio Deo libera fuit; quare, ut cetera discrimina præterea, liberum Deo fuit, habere vel non habere ejusmodi denominationem existentis ubique (1).

3. S. Thomam, p. I, q. 8, art. 3, divinam immensitatem sic expone: *Deus est in omnibus per potentiam, in quantum omnia ejus potestati subduntur; est per præsentiam in omnibus, in quantum omnia nuda sunt et aperta oculis ejus; est in omnibus per essentiam, in quantum adest omnibus, ut causa essendi.* Primum et secundum omnes fatentur; at postremum, in quo peculiariter ratione Dei immensitas consistit, post nonnullos veteres judæos, valentinianos, gnosticos, manichæos et anthropomorphitas, in dubium passim, ut diximus, revocant sociniani, nec fidei caput esse contendit Beausobre (2). Catholica itaque veritas vindicanda est, quæ docet Deum omnibus adesse per essentiam, ita ut omnia substantia sua intus repleat, exteriorque circumserbat ac teneat.

Sic igitur rem ex Sacris Litteris in primis concinnus: Baruch III, 23, Deus expresse dicitur *Excelsus*.

(1) Petavius, lib. III, cap. 7, § 5, opportune observat: « Ne temere statim heresis inscribatur iis, qui Deum ubique esse negent, videendum prius quo id sensu faciant. Potest enim subesse duplex. Nam si eo illud affirmant quod rem nullam spiritualem substantiam sua esse in loco putant, sed actione sola, quod de angelis ac spiritibus etiam creatis theologi veteres, ac post eos S. Thomas ejusque discipuli sentiunt, reprehendendi non sunt; certe fidei ad causam trahendares non erit. Sin ideo defendunt, quod vel totam, qua late patet, universitatem rerum occupari ab illius substantia non credunt, vel a quibusdam ob fiduciam et turpitudinem eximunt, atque, ut verbo dicam, si alieni esse substantiam Dei, velut in celo, statuunt, alibi non esse docent, quæ Vorstii aliorumque sententia fuit, manifesta heresis tenentur. »

(2) Cfr. Petav. ibid. § 2 et seqq. ubi recenset adversarios hujus divinae proprietatis, eos qui male de ea senserunt, inter quos memorat etiam Augustinum, Steuchum, Eugenibum.

Beausobre vero in sua *Histoire critique de Manichée*, liv. II, chap. 4, n. 4, cum fassus esset errorem, quo asseritur limitibus circumscribi essentiam Dei relate ad spatium, admissum a manichæis juxta ipsorum principia, tamen subdit, prout iam presulit circa naturam Dei corpoream: « C'était sans doute une erreur considérable, que de nier l'immensité substantielle de la Divinité; mais il faut pourtant convenir que, tant qu'on lui conserve celle de connaissance et de pouvoir, la religion demeure dans son entier; quod deinde fuse prosquitur. »

(Treize.)

et immensus; Job XI, 8, Deus asseritur *Excelsior cælo, profundior inferno, longior terra, et latior mari;* unde aiebat David Psalm. CXXXVIII, 7 et seqq.: *Quo ibo a Spiritu tuo? Et quo a facie tua fugiam? Si ascendero in cælum, Tu illic es, si descendero in infernum, ades, etc.* Sed omnium apertissime hoc S. Paulus docuit Act. XVII, 28, ubi, cum asseruisset Deum non longe esse ab unoquoque nostrum, rationem addicit, dicens: *In ipso enim vivimus, movemur et sumus;* quibus verbis profecto Dei immensitas, ejusque ubique presentia substantialis, ut aiunt, adeo diserte significatur, ut plane supervacaneum sit alia congerere.

Secundo ex patribus id ipsum concluditur, quorum summa in eo concordia est, inquit Petavius (1), ac theologorum omnium, nullo certo loco definiri Dei substantiam; qui præterea adnotat duos apud veteres usu contritos esse divinæ immensisatis declarandas modos. Nam aut asserunt sic intra omnia Deum esse et implere omnia, ut etiam extra omnia sit; aut non contineri locis omnibus ac substantiis, sed ea continere complectique omnia (2). Nobis satis sit verba Theophili antiocheni adducere, quibus eleganter similitudine ejusmodi rerum omnium complexum ac comprehensionem explicat: *Quemadmodum, inquit, punicum malum corticem habens, quo comprehenditur, intus habet mansiunculas loculosque plures, membranis interceptos, ac multa grana in seipso localata continent;* sic universa creatura a Dei spiritu comprehenditur, et spiritus, qui comprehendit, cum creatura comprehenditur a manu Dei (3).

Sed tertio huic veritati ratio ipsa suffragatur, quam urget S. Thomas, loc. cit. art. 4. Deus enim ubique semper agit virtute et operatione, ut omnibus continuo seu jugiter det esse, sive res existentia perseverantes faciat, atque Deus agit virtute et operatione a substantia sua minime distincta; ergo sicut virtute et operatione ubique Deus est, ita etiam substantia et essentia sua Deus rebus omnibus adest intime omnino praesens (4).

(1) Loc. cit. § 7.

(2) Ita apud eundem S. Athanasius, qui Epist. ad Serap. Filium (quod uniuersitate Personis omnibus intelligit) et ubique esse, ait, et extra omnia πανταχού ἐστι, καὶ τὸ πάντων θεός. S. Hieronymus in Isaiam, cap. 66, Deum et forinsecus et intrinsecus esse dicit. Ambrosiaster in Commentario in Epist. ad Ephes. : Deus, inquit, non solum implet omnia, sed et excedit. Nec enim clauditur, sed omnia intra se habet. S. Augustinus, serm. 1. De verbis Apost. : Quid est, inquit, omnipotens Deus? quid? nisi inestimabilis, ineffabilis, incomprehensibilis, ultra omnia, extra omnia, præter omnia? Et eleganter Prudentius: Extraque et intus implet ac superfluit.

(3) Οὐ τρόπον γέρα ἔγουσα φλοῖσι τῷ περιέχονται αὐτην, ἵδοι ἔχει μονάς, καὶ οὕτως παλιὸς διαχρήσιμενος διὰ ὑπέροχον, καὶ πολὺς λόγος: ἔχει τοὺς ἐν αὐτῷ κατοικοῦτας οὐτας ἡ πάτη κτίσις περιέχεται τὸ πνεῦματος θεοῦ, καὶ τὸ πνεῦμα τὸ περιέχον σὺν τῇ κτίσις περιέχεται τὸ πνεῦμα τοῦ θεοῦ.

(4) Cfr. Less. De perfect. divin. lib. II, cap. I et seqq. Sic S. Th. p. 1, q. 8, art. 4, ostendit: Quod proprium sit solius Dei ubique esse, quia quæcumque loca ponantur, oportet, quod in qualibet sit Deus,

I. Obj. 1. Scripturæ passim Deum in cœlo esse inculcant; ferri de loco in locum ambulando, descendendo, etc.; in terris autem commorari in templo, in arca, etc. 2. Quæ quidem sententia inhæsit veteribus hebreis et patriarchis ipsis ac prophetis; Rebecca enim (Gen. XXV, 22) perrexit ad consulendum Dominum; sic Jacob (ibid. XXVIII, 16) cum exigitasset de somno ait: *Vere Dominus est in loco isto, et ego nesciebam;* et (Jon. I, 3) Surrexit Jonas, ut fugeret in Tharsis a facie Domini; ergo.

Resp. ad 1. D. Figurate et impropre, vel ratione peculiarium effectuum, quibus se Deus speciali ratione manifestat, C. proprie et ad exclusionem aliorum locorum N. Multiplici sensu Deus in cœlo esse dicitur, vel alibi; nempe in cœlo speciali manifestatione gloriae sue beatis; sicut et in justis per gratiam, quam cordibus eorum infundit; in Christo per unionem hypostaticam, qua humana natura divinae unitur, ab eaque regitur ac sustentatur; in ecclesia per auxilium, quo illam protegit; in arca, in templo ad cultum excipiendum; in omnibus denique rebus, ut causa essendi, quemadmodum loquitur S. Thomas. Item descendere dicitur Deus, ambulare, accedere, quatenus aliquid præstat in terra, quod præter usitatum naturæ cursum mirabiliter factum præsentiam suam quodammodo ostendit, ut inquit S. Augustinus (1).

Ad 2. D. Rudioribus et imperitis quibusdam, Tr. omnibus ac patriarchis præsertim atque prophetis N. Hoc enim nulla probabili ratione asseritur. Nec obstat quod Rebecca legatur perrexisse ad consulendum Dominum; non enim alio sensu hoc dicta sunt nisi ad exprimendum Rebeccam animo vel affectu se contulisse seu determinasse ad consulendum Deum (2). Sic etiam Jacob locutus est de speciali manifestatione Dei, ut patet ex somnio seu visione illuc habita (3). Jonas denique ideo fugisse dicitur a facie Domini in Tharsis, quatenus ei morem non gessit, atque a mandato Dei se subtraxit, phrasim seu dicendi modo in Scripturis usitato (4).

non secundum partem, sed secundum seipsum. Si igitur secundum seipsum Deus ubique est, id est ubique totus, prout enti seu substantiae omnium: simplicissime competit, patet testimonia siue Scripturarum, sive patrum, quæ videntur prima fronte ubique: item solum deo prædicare, reipsa ejusdem evincere immensitatem, vi cuius Deus ubique est et omnia continent. Recte propterem antiquis quidam filios Deum dixit sphæram incomprehensibilem, cuius centrum ubique, ambitus et circumferentia nusquam.

(1) Contra Admantum, cap. 15, n. 2, et alibi passim.

(2) Ita exponit Origenes, Homil. xii, in Genes. n. 2, ubi post satis prolixam disputationem concludit: *Sic igitur sancti non de loco ad locum, sed de vita ad vitam, de institutis primis abeunt ad instituta posteriora.* Edit. Maurin. tom. II, pag. 92.

(3) Cfr. Calmet in hunc locum.

(4) Cfr. Petrus Four. Ackermann: Prophetæ minorum perpetua annotatione illustrati, Vien. 1830, qui in Jonam 1-3 huc habet: *E conspectu Iehova id*

III. Obj. 4. Patres non pauci negant Deum ubique esse, ut Clemens Alex. Stromatum, lib. II et V; Tertianus, Orat. contra Gracos, qui Dei essentiam materiali permeare iniciati sunt; S. Joan. Chrysostom. V in epist. ad Coloss. et Lactantius, lib. De opificio Dei, cap. 16. 2. Vel Deum nullibi esse pronunciant, vel in cœlo sedem habere, quibus consonat S. Augustinus, qui et ipse in libro LXXXIII Quæstionum, quest. XX, Deum nusquam esse dicit (1); ergo.

Resp. ad 4. D. Negant Deum ubique esse extensione aut diffusione sensu stoicorum, quos oppugnabant, C. immensitate, locum ei definitum circumscribendo, N. Stoici enim, adversus quos patres illi disputabant, arbitrabantur Deum esse animam mundi, quæ pervadit materiam, agitatque molem, quæque mundum ipsum informat; alii autem existimabant Deum veluti spatiosa quadam magnitudine per multa diffundi; hinc citati patres Deum hac ratione consistere negabant, cum Deus ita sit per cuncta diffusus, ut non sit quantitas, sed substantia creatrix mundi, sine labore regens et continens mundum, non tamen per spatia locorum, ut in dimidia mundi parte dimidiatus, ut ita dicam, sit, sed in cœlo totus, et in terra totus, et nullo arctatus loco, sed in se ipso ubique totus. Quod exprimunt scholastici, dum aiunt Deum esse inextensem formaliter, extensem autem virtualiter, qualenus Deus, qui in se ipso indivisibilis est, et nullo modo extensus, sue tamen immensitate virtutis, a sua substantia indistinctæ, attingit omnia, quæ sunt in loco, et est in omnibus rebus causans omnium esse, ut loquitur S. Thomas. Ceterum idem Clemens Alex. Stromatum lib. VII (2), ait: *Persuasum est ubique Deum adesse, non autem certis et definitis locis esse conclusum;* et Chrysostomus homilia XXXVIII. in Acta Apost. n. 3, affirmit Deum propinquum esse his, qui sunt ubique terra-

est, ad detectandum munus propheticum sibi a Deo inpositum; sperabat enim ex tam remotis regionibus (Tartesso colonia Phoenicum in Hispania Eætica) se a Deo non revocatus, nece remissum iri in Ninivem. Sanctius.... Ex his, et ex vv. 9 ad 12 patet, quam contorta sit eorum interpretatio, qui statunt, Jona putasse, se iuga in regionem peregrinam mandatum hoc eludere posse, quoniam Iehova tantum in Israëlitam terram, tanquam ejus numen tutelare præsens sit. Hoc errore si inbutus fuisset, existimatasset quod eum non adesse in Assyria; ita quamprimum ex Joppe porta solvisset, ejus suffugisse territorium. Quare in Hispaniam cogitavit? Fugere a facie Domini Jona nihil aliud esse putant Chaldaeus, Theodosius, Theophylactus, etc. quam impositum propheticandi munus effugere (Christianus Castrus); et recte, nam ut observat Ursinus: *Stare coram Domino, ministerium significat dominicum, quod qui obire detractat, is fugere dicitur a conspectu Domini.*

(1) Apud Petav. lib. III, cap. 8 et seqq.

(2) Τοιούτος ὁ πάντη παρέπει τὸν θεόν πεπεριέπεις. οὐ γάρ ἐστι τὸ τοιούτος τούτος πεπεριέπεις. τ. Ι. Mirum sane est posuisse Clementi Alex. absurdam ejusmodi sententiam affligi, qui loc. cit. Strom. a num. 4 ad 8 perpetuo hoc utitur principio petito ab immensitate Dei ad oppugnandam ethnieorum stultitiam, qui formam humanae Deo tribuebant

rum (1); ac demum Lactantius, Institutionum Divinarum, lib. VII, cap. 5, affirmat *Divinum Spiritum esse ubique diffusum, coque omnia contineri* (2).

Ad 2. D. Circumscriptive, ut aiunt, quasi in loco continetur aut dimetretur a loco, C. ad exclusum immensitatem N. Cum igitur patres dicunt Deum nusquam esse, nil aliud intelligunt, quam Deum a nullo loco comprehendendi, sed esse supra res omnes, easque continere, et sibi ipsi locum esse (3).

III. Obj. Si Deus ubique esset, omniaque substantia sua permearet, in fœdioribus locis inveniretur, atque in dæmonibus ipsis, nec non in spatiis, ut vocant, imaginariis, quod dicere nefas est; ergo.

Resp. D. maj. Si quæ loca fœda essent respectu Dei, C. si haec fœla non sint nisi in apprehensione nostra N. Omnia enim quæ sunt, in se bona sunt; sic in dæmonibus, prout res sunt, Deus invenitur, eo ipso quod existant, adest præterea ut puniat, prout loquitur S. Augustinus. Quod vero additur de spatiis imaginariis vulgo dicitis, si quem sensum habet, nihil aliud significat nisi Deum totum esse in seipso, cujusmodi pariter erat, antequam mundus esset, et si mille mundi conderentur, omnes in Dei immensitate essent, qui ut veteres nonnulli loquuntur, est omnium locorum locus (4), locusque sibi ipsi, nostra cogitandi ratione, qui his adjumentis indigemus.

PROPOSITIO III. — *Deus est aeternus.*

Hæc propositio de fide est; sic enim definitum fuit a conc. Lateran. IV in toties laudato cap. Firmiter, in quo *Deus aeternus* dicitur, quod pariter habetur in symbolo dicto Athanasiano, *Aeternus Pater*, etc.

Præmittendum est 1. aeternitatem multiplici sensu sumi: 1. latissime, pro longa duratione, utrimque tamen terminata; quo sensu saepe in sacris litteris usurpatur, ut cum possessio aeterna terræ Palestinae promittitur hebreis, etc. 2. Minus ampla significatione aeternum dicitur, quod licet initium habuerit, sine tamen caret; cujusmodi duratio est angelorum, animæ rationalis, etc., *aevum* a scholasticis nuncupatur. 3. Minus late, quod principio et fine caret, et si non habeat absolutam necessitatem; quo sensu aeterni sunt omnes ac soli actus contingentes et liberi intellectus ac voluntatis divinae. 4. Denique accepitur pro duratione absolute necessaria, qua principio et fine caret, quæ quidem rigoroso sensu ac proprio aeterno dicitur, et ea est de qua hic agitur.

2. Aeternitatem proprie dictam passim definiri Durationem sine principio, sine fine, sine mutabilitate. Licet autem in suo conceptu aeternitas atque immutabilitas inter se distinguantur, sic tamen inter se connexæ sunt, ut una ex altera necessario sequatur. Quare merito a S. Thoma, p. I, quest. 10, art. 1, aeternitas cum Boëtio definitur: *Interminabilis vita*

(1) Πάστοι ἐγγύς εἰς τοὺς πανταχοῦ τῆς αἰκουμένης οὐδεῖς τοιούτος τούτος πεπεριέπεις. τ. Ι. tom. IX op. p. 290.

(2) Cfr. Petav. loc. cit. cap. 7.

(3) Cfr. ibid. cap. 9. n. 12 et seqq.

(4) Cfr. ibid. cap. 8.

*tota simul et perfecta possessio* (1), quam definitionem per partes singulas enucleatam quisque in citato articulo videre poterit.

5. Quod, licet aeternitas formalis, ut aiunt, careat amplitudine, posita in fluxu partium sibi succedentium, habeat tamen amplitudinem, ut vocant, virtualem infinitam, quatenus nempe ob carentiam principii ac finis aequivalet tempori infinito habenti partes ab aeterno et in aeternum sibi succedentes; aequivalet proinde in ordine ad coexistendum tempusculis, et rebus-creatis omnibus sibi succedentibus in infinitum.

Quare res create, ex eo quod eidem aeternitati coexistant, non possunt dici simul existere in aeternitate, ac simul, prout existunt, esse Deo realiter praesentes ab aeterno, et si semper eidem objective, ut dicitur, praesentes sint; quia non coexistunt aeternitatibus secundum totam ejus virtualem amplitudinem, sed solum secundum aliquam hujus amplitudinis partem, que respondeat tali differentiae temporis, quam aeternitas secundum alias ejusdem amplitudinis partes virtualiter elapsas infinite praecessit, et infinite excedit secundum alias virtualiter elapsuras. Si eorum, quae hic adnotavimus adumbrationem quereras, circuli centrum concepe, quod, et si indivisible, partibus tamen divisibilibus, seu potius punctis circuli, seu peripheriae respondet, et manet immotum, quamvis circulus circumagatur. Exemplum est S. Thomae (2).

His positis operosum non est enunciate propositionis veritatem ostendere, sive ex Scriptura et patribus, sive ex ratione. Nam Psal. LXXXIX, 2, dicitur: *Prinsquam montes fierent, aut formaretur terra et orbis, a seculo et usque in seculum tu es Deus;* et Apostolus I Timoth. VI, 16, de Deo expresse dicit: *Qui solus habet immortalitatem.* Quae verba expendens S. Augustinus, tract. XXIII, n. 9, in Joan. Quid est, interrogat, quod ait Apostolus de Deo, qui solus habet immortalitatem, nisi quia hoc aperte dixit, solus habet incommutabilitatem, quia solus habet veram aeternitatem (3) Tertullianus, libro

Contra Hermogenem, cap. IV, aeternitatem vocat *consum Dei*, dicens: *Quis enim alias Dei census quam aeternitas?* et Contra Marcionem, lib. I, cap. VIII: *Non habet tempus aeternitas;* et ibidem: *Deus tam alienus est ab initio et fine, quam a tempore.* Deus, inquit, S. Gregor. Nazianz. Oratione XXXVIII, num. 11, *Deus semper erat et est et erit, vel potius semper est: nam erat et erit hujus temporis fluxae caducæque naturæ segmenta sunt* (1); sic ceteri patres apud Petavium, lib. III, cap. IV.

Quod confirmatur ex ratione, quam adducit S. Thomas loc. cit. art. 2, inquisiens: *Ratio aeternitatis consequitur immutabilitatem, sicut ratio temporis consequitur motum, unde cum Deus sit maxime immutabilis, ei maxime competit esse aeternum.* Ex quo principio infert, art. 3, solius Dei propriam esse aeternitatem, quia aeternitas immutabilitatem consequitur; et solus Deus est omnino immutabilis. Id ipsum evincit ex necessitate essendi, quæ Deo inest.

Sive igitur Scripturam consulamus et patres, sive rationem ipsam, patet Deum et quidem solum, vera proprie dicta aeternitate preditum esse, quæ nempe sit sine principio, sine fine, sine mutabilitate. Quin imo S. Thomas loc. cit. pergit ostendere Deum esse suam ipsam aeternitatem. De quo argumento consuli præterea potest Petavius, loc. cit. (2).

#### DIFFICULTATES.

Obj. 1. Deo interdum Scripturæ tribuunt temporis successionem; sic Daniel. VII, 9, Deus dicitur *Antiquus dierum; Apocalyps. I, 8: Qui est, qui erat, qui venturus est.* Sic pariter 2. Deo tribuunt actiones vel præteritas vel futuras; ergo non ita Deus aeternus est, ut omni successione temporis caret, quod concipi nulla ratione potest.

Resp. ad 1. D. Improprie ac juxta intelligentiam nostram, C. proprie ac prout Deus in se est, N. Ejusmodi enim locutiones in Scriptura semper improprie et captui nostro accommodatae adhibentur, qui in aeternitate virtualem quamdam successionis amplitudinem apprehendimus, ut de ceteris attributis diximus.

Ad 2. D. Respectu termini, ad quem referuntur, et relate ad nos, C. respectu Dei, et relate ad ipsum N. Itaque et hæc improprie de Deo dicuntur habitatione nostræ tenuitatis et infirmitatis, qua sit, ut observat S. Augustinus, ut non possimus de aeternitate cogitare et loqui nisi per ordinem ad tempus. Ceterum in Deo una semper est, eaque aeterna actio,

hoc Deus: quia neque in melius ire potest summa bonitas, neque in deterius vera aeternitas. Vera enim aeternitas est, ubi temporis nihil est. Erat autem modo hoc, et modo illud? Jam tempus admissum est, aeternum non est, etc.

(1) Θεος ην μετ' αιτι, και εστι, και εσται. μαλλον δε εστιν αιτι το γραπτην, και εσται, τον κατα ήδη χρόνον τρέμεται και της φευστης φύσεως. Quod ibidem pluribus verbis prosecutur.

(2) Plura hic invenientur notatu dignissima, atque ad enodandas difficultates maxime idonea juxta veterum sententias. Cfr. etiam Lessius, *De Perfectionibus Divinis*, lib. iv.

quæ cum dicit effectum in tempore vel producendum vel productum, temporis vicissitudines subit non respectu sui, sed respectu termini seu effectus in tempore producti vel producendi. Ut enim superius dicitum est, dum ageretur de Dei immutabilitate, Deus voluntate sua ab aeterno et pro aeterno, ut eum schola

loquamur, tendit actu unico, simplici, invariabili ac realiter indivisibili in omnia objecta secundum omnes modos seu respectus, secundum quos fertur in illos (1).

(1) Cfr. Suarez, Met. disp. 1, sect. 3 et 4.

## DE DEO EJUSQUE ATTRIBUTIS PARS TERTIA.

### DE SCIENTIA ET VOLUNTATE DEI.

Expletis quæ ad divinam substantiam ac p̄cipua summi Numinis attributa spectant, nativo ipso ordine ducimur ad investigandam divinæ hujus substantiæ operationem, quæ intelligere et velle complectitur (1). Prius igitur de divina intelligentia seu scientia, deinceps vero de Dei voluntate disseremus.

#### CAPUT I.

##### DE SCIENTIA DEI.

Agentes de divina scientia duo potissimum ob oculos habere debemus, ac 1. quidem ut certa ab incertis accurate secernamus, seu ea quæ penes omnes catholicos explorata sunt, ab iis, quæ in disputationem veniunt; 2. vero ut omnem declinemus domesticam controversiam, ut sic facilis conjunctis viribus unanimi consensione dimicemus adversus veros religionis hostes, qui subruere nituntur fidei ipsius fundamenta. Absolum profecto esset inter nos vires consumere, ac interea permittere, ut illi impune possint omnia moliri adversus catholicam fidem, et eo magis quod pleraque ejusmodi concertationes obsoletæ sint, nec præstet eas denuo excitare non absque aliquo unionis et charitatis detrimento. Ut propositum finem obtineamus, nitemur quæ certa sunt suis argumentis confirmare, quæ vero olim inter theologos agitantur, in nonnulla scholia rejicere, quæ postea subiectum duobus distinctis articulis.

Quæ de Dei scientia dici certo possunt, revocantur ad hæc p̄cipua capita, existentiam nempe et proprietates seu dotes, atque ad ejusdem objectum. Quæ autem in controversiam vocantur, respiciunt magna ex parte ejusdem scientie medium atque divisionem. Ut igitur perspicuitate consulamus, distinctis articulis enunciata prima illa catholicæ doctrina capita prius complectentur, de reliquis postea dicturi.

ARTICULUS I. — *De divinæ scientiæ existentia atque proprietatibus.*

Circa divinæ scientiæ existentiam non est quod

(1) Ita S. Thom. I, p. q. 14. Sic etiam vocantur perfectiones positive, ac tres vulgo numerantur, scientia, voluntas, potentia. Cum tamen potentia sola respiciat opera, quæ ad extra dicuntur, de hac propterera sermo erit in tract. *De Deo creatore.* Intelligere et velle facultates due illæ sunt, quæ entibus omnibus intelligentibus insunt, ac facultates immanentes nuncupantur, quibus interne vita actus proprii elicuntur.

valde laboremus ad eam adstruendam, cum vix sit qui eam in dubium revocaverit, omnibus ea siquidem insita est Dei notio, ut Deus summe intelligens, imo intelligentia ipsa ac totus mens per excellentiam concepiatur. Quod attinet autem ad ejusmodi scientie dotes ac proprietates, Scriptura ac patribus dueibus hæc intelliguntur, ut nimur sit simplex, immutabilis, infinita et efficax. Sic porro breviter sequentibus propositionibus eas adstruimus.

PROPOSITIO I. — *Est in Deo veri nominis scientia eaque perfectissima.*

Hæc propositio ad fidem pertinet. Nam apertissime in utriusque fœderis libris Dei scientia commendatur. Etenim I Reg. II, 3, dicitur: *Deus scientiarum Dominus est;* Esther XIV, 14: *Domine, qui habes omnium scientiam;* Ad Rom. XI, 33, Apostolus exclamat: *O altitudo dīvītarū sapientiæ et scientiæ Dei!* Non vacat plura congerere.

Nec minus clare id ipsum ratio evincit. Deus enim est id, quo nihil melius excogitari et concipi potest; jam vero scientia eximia perfectio est, quam melius est habere quam non habere; ergo in Deo est scientia, ac talis quæ Deum deceat, id est omni imperfectione semota, et in summo gradu (1).

PROPOSITIO II. — *Scientia Dei est simplex, immutabilis et infinita.*

Hæc propositio pariter ad fidem pertinet. Eo autem sensu simplex dicitur Dei scientia, quatenus non est in Deo per modum habitus aut qualitatis ei supervenientis, sed est actus et quidem purissimus, ipsaque divina substantia (2) simplicissima, quæ sta-

(1) Notandum porro est scientiam dupli ratione sumi, 1. late pro omnincognitione intellectus seu mentis certa et evidenti, 2. improprie pro cognitione certa et evidenti rerum per causas. Propositio autem est de prima cognoscendi ratione, quam Deo inesse nemo est qui dubitet, aut jure a iquo dubitare possit, atque hanc in Deo agnoscerre ad fidem pertinere diximus. Ast non adeo res explorata est, si de altera sermo sit; non desunt enim qui eam Deo inesse negent, atque inter ceteros Vasquez in I, p. disp. LXXXVI, n. 48, quia ejusmodi cognoscendi ratio quandam in se includere videtur imperfectionem.

(2) Simonnet observat, quod dum ipsa scientia Dei dicitur esse substantia divina, id non esse intelligentium absolute, ac prout dicitur, simpliciter, sed cum addito, ut sit nempe divina substantia se ipsa vitaliter tendens sic.